

# 大明會典



知

PDG

大明會典卷之三十

戶部十七

庫藏一

內府庫

各庫所掌最大者金花銀即

國初所折糧者俱解南京供武臣俸祿而各邊或有緩急間亦取足其中正統元年始自南京改解內庫歲以百萬為額嗣後除折放武俸之外皆為

御用其粟帛茶蠟類料以需

上供雖本折不一皆有規條其本色經驗糧廳委官

會典卷三

驗過會同科道官覆驗堪中於六科領勘合填

數照進其折色各商買辦戶部山東河南等司

官九門鹽法等委官亦會同科道官照時會估

價直辦納應用其法其詳具載于後外有乙字

庫收毛襖狐帽胖襖褲鞋等物屬兵部戊字庫

收弓箭弦條盔甲等物廣積庫收焰硝硫磺等

物廣盈庫收抄沒違禁物及禮部開送外國進

來羅紵綾紬工部退回改及俱屬工部茲不具

載

內承運庫

洪武中定各處解到金銀纓玉象牙等物及浙

江福建布政司直隸蘇松常鎮徽寧揚州等府

廣德州歲解改平并山西布政司歲造黃生素

綾俱送本庫收

夏秋麥米共四百五萬九百一十九石一斗一

升二合每石折銀二錢五分共折金花銀二百

一萬二千七百二十九兩七錢七分八釐一毫

年例金二千兩硃砂四十六斤八兩

慈寧宮子粒銀二萬七千二百一十八兩一錢三分

六釐

會典卷三

慈慶宮子粒銀七千二百八十九兩六錢八分九釐

二毫八絲

乾清宮子粒銀一萬九百七十六兩四分

未央宮改進

乾清宮子粒銀三千九百四十一兩一錢四分三

釐五絲五忽

承運庫

凡浙江江西湖廣山西四川等布政司直隸蘇

松常鎮廬鳳淮揚徽寧池太安慶等府除徐廣

德等州歲解絹帛并開生絹翠毛皮俱送本庫

收

夏稅絲綿農桑本色絹共一十四萬八千一百二十九疋三丈九尺八寸四分

供用庫

凡浙江湖廣四川福建江西廣東山東河南等布政司直隸蘇松常鎮寧太安慶廬鳳淮揚等府歲解黃白蠟芽葉茶并蘇松常三府解到白熟糙粳糯米俱送本庫收

白熟粳米八萬二十四百五十二石四升七合菜豆一千六百三十石一斗黑豆一千九百三十

會典卷三

三

九石一斗黃豆一百五十四石九斗三升芝麻八千二百二十三石一斗黃蠟一十一萬斤白蠟三萬五千八百一十六斤芽茶四萬七千九百五十九斤一十一兩葉茶四萬九千三百九十五萬七千九百七十束燈草二千斤蒲桃三千五百斤鹽二十四萬一千六百六十六斤一十一兩折色黃蠟九萬斤共銀一萬八千兩折色白蠟一十二萬五千八百一十二斤共銀五萬三百二十四兩八錢折色解太倉銀庫濟邊

甲字庫

凡浙江江西福建廣東四川湖廣河南山東山西陝西等布政司應天直隸蘇松常鎮廬鳳淮揚徽寧池太安慶等府滁徐和廣德等州解到綿布銀硃密陀僧百藥煎黑鉛二硃梔子五倍子烏梅紫草姜黃藤黃明礬藍靛紅花槐花水膠黃丹白芨光粉綠礬萬草靛花青俱送本庫收

會典卷三

四

顏料四十一萬二千二百二十二斤五兩內銀硃三萬四千一百二十二斤三兩烏梅三萬九千三百九斤一兩靛花二萬九千九百五十兩黃丹四萬二千斤綠礬一萬五千斤紫草一千四百斤明礬四萬二百斤光粉一萬四千六百斤十二兩黑鉛二萬一千斤水膠八萬斤槐花七萬斤藍靛三萬一千斤五倍子三千五百斤闊白三梭布三萬三千疋闊白綿布三十六萬四百一十一疋寧布四萬七千七百七十四疋紅花三萬斤水銀二百二十九斤

丙字庫

凡浙江河南山東并北直隸真定府解到絲綿花絨南直隸池州揚州歲解土絲俱送本庫收

絲綿三十一萬四千六十四兩。絲二百二十四斤一兩一錢三分。綿花絨三十七萬四千八百七十五斤六十二兩。

丁字庫

凡浙江、福建、廣東、四川、江西、湖廣、河南、山東、山西、布政司、并應天、直隸、蘇、松、常、鎮、廬、鳳、淮、揚、徽、寧、池、太、安、慶等府、滁、徐、和、廣、德等州、解到銅、鐵、生漆、桐油、皮張、水牛角、牛筋、黃蠟、黃白麻、翎毛、魚線、膠等料、及工部召買蘇木、俱送本庫收。顏料三十萬二千六百八十七斤八兩。內生漆

會典卷

五

一十萬七千五百六十一斤八兩。桐油九萬四千七百三十五斤七兩。黃蠟一萬八千九百六十二斤三兩。黃熟銅二萬二千六百一十六斤一兩。紅熟銅二萬四千四百八十八斤五兩。錫一萬九千五百三十三斤。牛筋四千斤。黃牛皮九百八十三張。生銅九千八百七十八斤。

廣惠庫

凡臨清、河西務、蘇州、揚州、杭州、淮安、九江等鈔關及五府六部等衙門、官吏鹽鈔、并各處地畝、棗株鈔、俱送本庫收。

河西務等七鈔關輪解本色鈔二千九百二十萬四千四百餘貫。折色銅錢五千九百七十七萬七千一百餘文。燕山右府軍前等四衛樹株屯鈔五萬六千九百四十貫。

天財庫

凡正陽等九門、并各鈔關、本折鈔錢、及皇城各門鎖鑰、俱送本庫收。

贓罰庫

凡各處解到錢鈔、并紵絲、綾羅、絢絹、毯氍、鐵力、綿布、衣服、花絨等物、俱送本庫收。

會典卷

六

凡各處官民犯法律、合籍沒家財、及有不才官吏、接受贓私、追沒到金銀錢鈔、衣服等項、俱各割付本庫交收。其行移次第、照依課程事例施行。

內官監

白熟細粳米一千七百石。白熟粳米一萬一千一百二十五石。粟、薦稻、草五萬斤。草紙、稻草二十萬斤。青白鹽一十三萬四千五百斤。

尚膳監

川椒一千一斤四兩。栗殼一百石。蜀林二百一

十六石

酒醋麪局

白熟糯米二萬一千五百石。小麥七千三百石。黃豆四千六百石。黑豆一千八百石。菜豆七百石。穀草四萬四千束。稻皮五百石。麪二十萬八千八百斤

司苑局

黑豆二千九百五十石。穀草七萬二百七十二束

惜薪司

會典奉

白熟糯米二十五石一斗。紅粟一萬五千五百七十斤

寶鈔司

稻草二十四萬五千斤。香油四十五斤一十五兩

凡解納。洪武二十六年定。凡府州縣稅課司局。河泊所。歲辦商稅。魚課。并引由契本等項。課程已有定額。其辦課衙門。所辦錢鈔金銀布絹等物。不動原封。年終具印信文解。明白分豁存留。起解數目。解赴所管州縣。其州縣轉解於府府

解布政司。布政司通類委官起解。於次年三月以裏到京。戶部將解到金銀錢鈔布絹等物。不動原封。照依來文。分豁明白。割付該庫交收。出給印信長單。及具手本關領。勘合回部。照數填寫。責付原解官收執。將所解物件。同原領長單。并勘合於

內府各門照進。且如銅錢布疋。赴甲字庫交納。鈔錠廣惠庫交納。金銀絹疋。水運庫交納。其勘合既於各門照進。該庫收訖。就於長單後批寫實收數目。用印鈐蓋。仍付原解官齎赴戶部告繳

會典奉

立案附卷備照。仍令該部主事廳於原解官差批內。將實收過數目批迴。候進課畢日。將已解并存用課數。通行比對原額。如有虧兌。照依所虧數目。具本奏聞。類行各司府州縣著落辦課衙門。經該官吏人等追理足備差人。解赴京庫交納。凡十三布政司。并直隸府州。遇有起解稅物。收納者。其行移。次第皆做此。○又今據各處解納布絹。如泥汚水跡。堪染顏色。及稍破壞者。皆不必陪。壓爛破損不堪用者。准陪補。亦不治罪。○又定各處折納布絹。則例。每絲二十兩及十八兩。折絹一

疋長三丈二尺闊二尺白綿布每疋長三丈二尺闊一尺八寸重三斤○永樂十年令在京在外起解一應錢糧務委官看驗堪中實數起解合于上司解部戶部委官看驗相同關填勘合進納仍於勘合內開各委官職名如解物與勘合不同者許門吏指實具奏○十五年令在外各司府州等衙門進納歲辦并開辦課程等項金銀改疋俱解

內府庫○宣德五年令納官布絹不如法者加倍追陪原解人送問○七年差戶部主事一員同

金銀改疋

九

揀鈔御史給事中巡視甲字等庫凡各處解到布絹絲綿即督官攢人等照洪武年間所定長闊丈尺收受若有兜攬作弊者具奏拿問○十年令各處歲造段疋委御史同該司官辨驗堪中送該庫交納○正統元年令各處解納折糧布絹選退不堪中者該庫出給印信票帖退還解人戶部差人押追納完仍送問罪不許再科百姓補納○四年令各處解到

內府庫物料俱於六科領給勘合填數照進交納○景泰元年奏准各處解京布鈔等項先從戶

金銀改疋

十

部看驗堪中方許送庫交納取長單付繳○令各處解納絹疋若驗不中度百疋以上者侵剋解人發口外充軍絹疋責各犯家下追陪承行官吏行巡按御史提問○又令蘇松等府運納供用庫粳糯米差御史一員同本庫官監收○成化十六年奏准各處額徵絲綿折絹戶口食鹽鈔錢司府掌印官務嚴加督責各該州縣官監收本處織造絹疋堪中錢鈔責令大戶領解委官管押仍先於內混取絹一疋鈔五十貫錢五十文包封印記順附公差人役送部收候比驗仍作正數送納其解到錢鈔絹疋比驗以十分為率如一分不堪者罪坐州縣三分不堪者罪坐本府五分以上不堪者罪坐布政司各經該官吏若委官大戶抵換者依律問罪不堪錢鈔絹疋盡數沒官○二十三年奏准各處解到錢鈔絹疋戶部該司揀驗堪中之數該庫不許重複看驗力證留難其餘闊布皮張物料等項但係十庫錢糧俱會同科道部官辨驗果係地道真正本色物件即與收完出給批單通關不許推調延挨及供用庫所收糧如有多收盜賣

虛出及包攬作弊者拏送法司問罪○弘治三年令各處納絹驗出稀紕制漿絲經麻緯及單經等項低絹布政司以驗退十州縣及千疋以上者住俸三箇月府以驗退三州縣及二千四百疋以上者住俸半年州縣驗退八百疋以上者住俸一年○八年令各處解納布絹諒府掌印官用印兩頭鈐記每色取式樣一疋印封交所委官吏解部看驗送部仍於起解批文內開驗中數目用印鈐記若不如法者先將領解官吏送問司府州縣提調掌印官及吏行巡按御史提問揀退布絹加倍追陪解戶攬頭通同侵欺盜賣者發邊遠充軍○十四年題准各司府州縣今後起解錢鈔絹布等項赴部交納其中揀退者聽解戶從便買補不能自買者當官估價責令鋪戶變賣銀兩收買補納若鋪戶刁蹬不行買補者照依在京坑陷納戶事例問罪其有無籍光棍打攬者照依在京打攬倉場事例拏送法司問發充軍○令各處解納折糧布疋赴部諒部委官於本衙門驗中送付諒庫并巡視科道官及戶部委官收受不必再揀○又令

各處起解兩京絹疋不及五十疋者送赴該府類解戶部驗退五十疋以上者諒府經管官察究治罪○十七年令各處百姓輸納錢糧到京凡遇收放

內府各監局各庫及各衙門管事內便家人有指勒巧取財物及縱容下人通同作弊致使揭債經年累月不得完結者許緝事衙門體訪并被害之人指實陳奏治以重罪○嘉靖八年令每年差給事中御史各一員於

內府內承運等庫并各監局巡視監收禁革姦弊

先將各衙門見在各項錢糧會同該管人員逐一查盤明白作為舊管每年終通將舊管收除實在數目磨算無差造冊奏繳○十年題准今後各處起解京庫物料果係本地無產者許於批文內明開某物若干折徵價銀若干到京召商上納如有餘銀通融幫補再有餘剩送太倉銀庫交收以備支用○十五年議准今後

長安等門守門人員敢有故違明禁飭前科索解戶財物准折軍士直米者訪出或告發照例參問○十七年題准今後十庫內官不許增添○

四十二年題准。凡差官起解供用等庫錢糧。到京即同歇家赴部領單上納。若潛住十日不赴部者。叅送法司。歇家問以包攬解官治以重罪。○四十三年題准。凡起解京庫錢糧。不拘本折。悉解該府類總輪選佐貳官管解。給以路費水脚。由布政司倒文直隸各府徑自起文解部。定限先季徵完。次季起解。○又題准。驗糧廳驗進錢糧。定以三六九日為期。先開驗。中數目。知會科道官公同親收。一切內收之弊。盡行杜絕。其實收完單。隨即給發。○四十四年題准。凡起解

會典卷三十

三

內庫錢糧。黃白蠟香料之類。係州縣出產者。多派本色。原非出產者。准派別項起解。仍通行各該衙門嚴禁監門直門巡河巡街員役。毋得攔阻商解。索詐財物。○隆慶元年令。

內府各衙門供應錢糧。查照弘治年間及嘉靖初年舊額酌量徵派。其以後年分加添者。盡行革除。將革過數目奏知。仍造冊送部備照。如各衙門假以缺少為由。行文加派。及該部阿奉准行。科道即時叅奏。治以重罪。○二年令各衙門。凡遇各解上納。

內府錢糧。先將勘合赴該門比對底簿號印相同。隨將該納數目填入底簿。即於戶部送納公文內另打照進字樣。方赴上納完日。將完過數目填記勘合并完狀原單。通發該門驗過。另給小票連單赴部銷繳。以憑驗給批迴。該門吏務查一月錢糧果完。方得送科銷繳。其勘合踰季不繳。該科查對明白。即類行本部以憑查究。○萬曆二年題准。鑄給驗糧關防一顆。付委官收掌。凡遇解到。

會典卷三十

三

換

凡支給。正統二年令各庫所收布。有長三丈以上者。俱准一疋放支官窰。若該管官截去餘尺入己者。以監守自盜論。○九年令各項造作物料。止於官庫支用。有不敷者。奏給官價派買。不許損民。○十四年令各處解到物料。送該庫交收。方許支用。○又令各處折糧等項布疋。送甲字庫收。若有稀鬆塵跡水跡者。送廣盈庫深造支用。○景泰三年奏准。各衙門買辦軍需物料。及一應支用。從宜設法區畫。若事干動支錢糧。

者先行戶部會查。果有三年之積方許回報施行。○弘治四年。令巡庫科道官及內外該庫官。凡遇戶部送到各處解納鈔錠進庫。其折腰原封者俱另收。轉送本庫。係折腰者用備給賞。係原封者用備買辦。○嘉靖十年。以賞夷人絹疋不敷。將生絹一疋折銀五錢。裏絹加深練銀七分。行太倉銀庫支放。候該庫有積。仍關本色。凡庫夫。永樂十九年奏准。

內承運庫一百一十八名。

內府天財庫二百六十七名。甲字庫六十二名。辨

令纂事

主

驗鋪戶四名。丙字庫三十七名。每季辨驗鋪戶

二名。丁字庫六十名。每季辨驗鋪戶四名。戊字

庫一百二十名。試驗箭匠二名。賊罰庫五十名。

廣盈庫六十六名。廣惠庫八十四名。乙字庫四

十名。每季辨驗鋪戶三名。承運庫四十名。每季

辨驗鋪戶三名。廣積庫四十名。辨驗火藥匠一

名。○景泰元年奏准庫夫在逃。該庫止移文勾

取。不得擅差吏庫人等逼勒擾人。其有交盤贖

贖。許於各庫庫夫內互相借撥暫用。○成化五

年奏准各庫夫俱照原額著落盤運錢糧。遇夜

輪宿看守。如有隱占及令解戶雇倩小脚頂替者俱治罪。○七年奏准各庫查盤贖贖原起取人夫。甲字庫六十名。乙字庫贖贖三十名。盤庫六十名。丙字庫四十名。丁字庫六十名。戊字庫七十名。承運庫六十名。賊罰庫擡鈔四十名。檢鈔鋪戶一百名。盤庫二十名。廣積庫四十名。廣惠庫三十名。廣盈庫十五名。俱各減三分之一。用畢放回。如不足用。許以各庫夫互相借用。不許於兩縣擅自起派。○十四年。令

內府各庫鋪戶三月役滿即令僉補。不許容留在

會典卷三

共

庫。及妄罰銀兩。○弘治五年。令南京甲字等庫

庫夫交盤進納贖贖。止照舊例。於各庫借用。不

許行順天等府僉派擾民。○嘉靖十一年題准

今後甲字等庫解到庫夫。每年一次更換。但有

稱大管事名色。交通商人內臣。聚歛過付者。巡

視科道及戶部委官。拏送法司。照積年事例。問

擬發遣。以後逐年查審。永為定規。內臣縱容占

執者一體參究。其各庫收到商稅等項錢鈔。行

內外委官盤收。合用人役。該戶科給事中

面奏於順天府起撥

太倉庫

正統七年宣太倉庫添設戶部主事一員專管凡南直隸蘇常等府解到草價銀赴部轉送管庫官處交收○成化十六年令巡撫巡按官清查各處運司及提舉司積年收貯并變賣過私鹽車船等項銀兩盡數解部轉發太倉庫以備違儲支用○嘉靖十一年奏准添委員外郎一員專管太倉銀庫收放漕運一應折銀折草鹽課等項并解到戶部各處象馬牛房及供應等并十庫折色銀兩其倉庫折色應召商者另項

會典卷五

五

收貯如遇完納商人齋有戶部完單照數給領其庫內一應巡風官吏及軍斗等項人役悉聽提督仍照坐倉員外事例一年更換通將收放銀兩等項數目造冊備呈本部及提督倉場官處以備查考○十六年題准今後戶部委官解運各邊銀兩置立印信號簿三樣四本一存大倉一收本部一付委官一發該鎮每項給驗○二十二年題准今後凡抄沒犯人家財及鹽賣地土房屋追收店錢等項銀兩俱照舊送太倉庫收貯

三官子粒及各處京運錢糧不拘金花折糧等項應解

內府者一併催解貯庫悉備各邊應用不許別項那借○又議准今後各運司餘鹽銀兩解送太倉另貯一庫專備各邊客兵糧草不許分毫別用○二十四年題准太倉銀庫每日輪差管倉主事一員公同管庫員外收放若有姦弊許其糾舉本部仍不時訪察以驗勤惰凡銀兩管倉員外郎務要兩平收放逐日逐項開注明白一年滿日與同接管員外郎會同巡倉御史將經

會典卷五

五

手銀兩逐一秤盤若有附餘照依舊規作正支銷○三十一年奏准差科道各一員會同太倉管庫員外郎等官驗日收放同進同出以後不必更委陪庫主事尋以科道止巡視不同監收仍復每日輪差主事一員陪庫○三十八年題准太倉銀庫每兩月一次將收放銀兩數目奏報○四十一年題准添差科道官監同新舊管庫主事交盤庫藏各項銀兩○隆慶二年議准今各處所解及援例上納銀自二十兩以上傾錠足色入庫以後查明交代仍令該庫造冊五

本一存庫。一送巡視衙門。一送總督衙門。一送戶部。一送戶科。各存互察。管庫官員除錢糧重大者。公同科道秤收外。陸續起解者。管庫官與同陪庫官秤收。○萬曆二年題准。將戶部空閑主事。另委一員陪庫。每日公同管庫主事。收放銀兩。季終更替。毋得仍委京倉主事。致妨倉務。○八年題准。將裁革山東河南京糧道參政原收銀兩卷籍。俱送太倉銀庫。以後二省并止直隸各府應解兩道錢糧。改解銀庫交納。另項收貯。候各馬房倉場商人。上納料草錢糧完日照

### 數給價

#### 在外諸司庫

洪武間。凡天下衙門收用錢糧。一年一報。務將當年已支見在。及天下放支該用數目。開報戶部稽考。○二十三年。令各司府提調正官監督官。攢人等盤點在庫一應錢帛。若金銀錢鈔并足帛零段。解赴京庫。麤重什物及銅鐵錫器。收貯備用。不堪瑣碎物件。當官燒毀。舊破衣服。給付孤老。仍俱開數目稽考。○永樂三年。差監生於各處會同巡按御史查盤庫藏錢帛等項。解

京。○洪熙元年。奏准差官於各布政司各都司并直隸府州衛所清查庫藏錢帛。同下年該收該用數目。造冊開報。○宣德八年。差給事中王事於各處清查在庫貨物。凡紵絲綾羅布絹不成疋。及衣服器皿之物。皆計時值。准作文武官折色俸支用。○正統四年。令各布政司并直隸府州會計每歲該用鈔數。年終具報戶部存留支用。餘鈔解京。○景泰二年。令在外諸司倉庫錢糧。非奉戶部明文。不許擅支。○成化十二年。奏准分巡官各處寄留贓罰所在。有司申達總

#### 會稽事

年

司查考。○十七年。令各處司府衛所大小衙門。如遇修理等項。止許設法措置。其在官錢糧。必須軍器重務賑濟饑民。及奉勘合應該支給者。方許會官照卷挨次支給。年終查算明白。造冊繳部。若不應支給。并挪移出納者。經該官員降黜。遠放用。侵欺者。從重歸結。○二十年。令各處巡按御史會同布按二司。督同各府州縣并鹽運司等衙門掌印官。親詣官庫查盤一應錢帛等物。應變賣者。變賣。應存留者。存留。應起解者。起解。解三分之二。○弘治九年。令布按二司并

直隸府州將在庫金銀錢鈔等項開具數目。按季造冊送部。及巡按御史以憑查考。○十二年令各處巡按御史三年一次查盤在外諸司庫藏收貯金銀錢鈔等物。及一應贓罰。○十七年議准運司官庫銀兩。今後每年終巡鹽御史隔別委官查盤。分別舊管收除實在數目造冊繳部。應解者就便起解。應存者存留在司。不許別衙門那移借用。○正德十四年議准福建布按二司每年各置贓罰循環簿送巡按衙門印鈐。將日逐問過囚犯贓罰紙米挨日逐起開寫硃

會典

卷一百一十五

二十一

語附簿。空立前件。發去監追衙門填註。已未追收。或某人承攬。或自上納。或監追日久。改發擺站。未完者有無縱放。每遇照刷之年。弔查。或有虧弊。聽刷卷御史追究。○嘉靖二十八年奏准各處撫按官於布政司每歲額解錢糧立法頒示。不許以火耗公用為名扣留侵除。每遇收放左右布政協同幹理。巡按御史不時巡察。親自查盤。其南北直隸巡按御史并各處巡撫都御史一體嚴加查理。有弊從實論治。○隆慶五年題准密雲鎮建立一庫。每年主客年例軍門公

費及撫夷修邊等項銀盡發收貯。并添設談庫大使一員。吏一名。專掌出納。○六年題准昌平鎮錢糧比照薊密二鎮添設庫官一員及鑄給條記印信一顆。令其收掌出納關防鈐蓋以防姦弊。

贓罰

宣德十年奏准各處司府州縣衛所衙門。凡在庫贓罰除金銀珠翠起解京庫。其餘銅鐵油麻羅段布疋衣服之類。及寄養贓罰馬驢牛等畜。俱易米麥穀豆上倉。○正統三年奏准。凡在

會典

卷一百一十五

二十一

外府州縣并軍衛等衙門贓罰。俱解布政司并直隸府州官庫。候年終直隸府州會巡按御史各布政司會按察司盤點見數。其金銀及堪中改足起解京庫。仍具起解存留數目造冊送部查考。按察司所追贓罰及不堪改足亦送布政司官庫。金銀并堪中改足每歲類解都察院轉送京庫。○四年差給事中并戶部主事於各布政司會同按察司直隸會同巡按御史盤驗各庫贓罰。凡金銀珠翠及絳絲羅段成疋堪中者起解京庫。如不成疋及衣服器皿之類。准折本

處官員俸給。其餘銅錢、硃黃解工部，軍器發附  
近衛所領用。○嘉靖三十四年議准，行各處撫  
按、巡鹽、巡茶及南京巡倉屯田、巡江等御史各  
於任滿交代之日，將應解贓罰銀兩盡數解部  
濟邊。戶部仍於年終將各撫按解到贓罰銀兩  
多寡數目另行奏

覽。○四十三年題准，以後撫按并各差御史贓罰每  
十分著解戶工二部各四分濟用外，其二分并  
司府者存留備賑，不許私饋妄費。及因而科擾  
該部年終將收過銀數具奏。○隆慶三年，令南

金臺主

主

京刑部通行各該問刑衙門，以後如遇抄沒贓  
物，內除違禁細軟等件違例解京并歲額錢鈔  
仍照舊外，其餘一應龐重贓物并贖罪銅錢徑  
解南京戶部貯庫，會官估計酌量支放。明立文  
卷照刷，其見在貯庫贓物盡數查出會估酌處  
支銷。○萬曆八年，令各撫按贓罰銀兩互相稽  
查，原額應解八分之一外，明開有無多寡。其二分  
備賑者要詳收貯何處，曾否動支。另酌地方大  
小量紙贖多寡各議加增，登入考成查比。

庫藏二

鈔法

國初寶鈔通行民間與銅錢兼使立法甚嚴其後鈔賤不行而法尚存今具列于此其折祿補俸罪贖及各項則例輕重不等詳見各部

洪武八年令中書省造大明寶鈔取桑穰為鈔料其制方高一尺闊六寸許以青色為質外為龍文花欄橫題其額曰大明通行寶鈔內上兩旁復為篆文八字曰大明寶鈔天下通行中國

金鑄

鈔貫狀十串則為一貫其下曰戶部奏准印造大明寶鈔與銅錢通行使用偽造者斬告捕者賞銀二百五十兩仍給犯人財產若五百文則畫鈔文為五串餘如其制而遞減之每鈔一貫折銅錢一千文銀一兩其餘以是為差其等凡六曰一貫五百文四百文三百文二百文一百文每鈔四貫易赤金一兩禁民間不得以金銀物貨交易違者治罪告發者就以其物給賞若有以金銀易鈔者聽凡商稅課錢鈔兼收錢十之三鈔十之七一百文以下則止用銅錢○十

金鑄

三年令在京在外各置行用庫凡軍民倒鈔令軍分衛所民分坊廂輪日收換鄉民商旅則以戶帖路引為驗其鈔務貫伯昏爛方許入庫易換量收工墨價直○二十四年榜諭各處商稅衙門河泊所官吏每遇收辦課程不許勒索料鈔但有字貫可辨真偽者不問破爛油污水跡紙補即與收受解京若官吏巡攔刁蹬不收及因而以不堪辨驗真偽鈔解京者俱罪之○二十五年設寶鈔行用庫於東市凡三庫庫給鈔三萬錠為鈔本倒收舊鈔送

土

內府○二十六年定凡印造大明寶鈔與歷代銅錢相兼行使每鈔一貫准銅錢一千文其實鈔提舉司每歲於三月內興工印造十月內住工其所造鈔錠本司具印信長單及關領勘合將實進鈔錠照數填寫送赴

內府庫收貯以備賞賜支用其民間行使及稅課司局河泊所收受課鈔除挑描偽鈔外其餘不分油污水跡破爛務要收受如有阻壞照依戶部原給鈔法榜文內事例治罪其合用桑穰數目本部每歲預為會計行移浙江山東河南北

平。及直隸淮安等府。出產去處。依例官給價鈔收買。所在官司。應付脚力。差人起解赴京。仍申達本部。本部將米文立案。割付寶鈔提舉司交收。及出給印信長單。具手本赴

內府關領勘合填寫付差來人。於

承天門照進。赴提舉司交收。取獲實收。回部入卷。

備照○二十七年。罷寶鈔行用庫。○令軍民商

賈所有銅錢。有司收歸官。依數換鈔。不許行使。

○永樂元年。以鈔法不通。禁用金銀交易。犯者

准奸惡論。有能首捕者。以所交易金銀充賞。其

會典卷三十一

三

兩相交易。而一人自首者。免坐賞與首捕。同若

置造首飾器皿。不在禁例。○五年。奏准於京城

設官庫一所。凡官員軍民人等。但有以金銀易

鈔者。未拘多寡。聽於本庫收數。各驗成色。照時

值倒換官鈔行使。在外於府州縣倒換。○今各

處稅糧課程賦罰。俱准折收鈔。米每石三十貫。

小麥豆每石二十五貫。大麥每石一十五貫。青

稞蕎麥每石一十貫。絲每斤四十貫。綿每斤二

十五貫。大絹每疋五十貫。小絹每疋三十貫。小

苧布每疋二十貫。大苧布每疋二十五貫。大綿

布每疋三十貫。小綿布每疋二十五貫。金每兩

四百貫。銀每兩八十貫。茶每斤一貫。鹽每大引

一百貫。蘆柴每束三貫。其有諛載不盡之物。俱

照彼中時價折收。○七年。設北京寶鈔提舉司。

○八年。令內外稅課司局。河泊所等衙門。該收

課程鈔。不問一十文至五十文。一百文至五百

文。皆照舊收。其買賣行使。亦不許沮滯。○二十

年。令河東。山東。福建。長蘆。四運司。并廣東鹽課

提舉司。鹽課許軍民人等。於京庫報納舊鈔。填

給勘合。赴各運司。提舉司。不拘資次支鹽。○宣

會典卷三十一

四

德元年。令各處贓罰。俱折收鈔。不分新舊昏軟

悉收。不願納鈔者。聽納本色。○又令客商以金

銀交易。及藏匿貨物。高增價值者。皆罰鈔。○四

年。順天應天。蘇松。鎮江。淮安。常州。揚州。儀真。

浙江。杭州。嘉興。湖州。福建。福州。建寧。湖廣。武昌。

荊州。江西。南昌。吉安。臨江。清江。廣東。廣州。河南

開封。山東。濟南。濟寧。德州。臨清。廣西。桂林。山西

太原。平陽。蒲州。四川。成都。重慶。瀘州。共三十三

府州縣。市鎮店肆。門攤稅課。加五倍。候鈔法通

止。○又令榜諭兩京軍民官員人等。菜園果園

及塌房庫房店舍應屬客商物貨者不分給公  
自置凡菜地每畝月紀舊鈔三百貫米樹每十  
株歲納鈔一百貫房舍每間月納鈔五百貫差  
御史同戶部官各一員按月催收送庫如有隱  
瞞不報及不納鈔者地畝樹株房舍沒官犯人  
治罪其園地自種食用非發賣取利者不在納  
鈔之例○又令民間行使驢贏車裝載物貨者  
每輛納鈔二百貫牛車五十貫○又令受雇裝  
載船自南京至淮安淮安至徐州徐州至濟寧  
濟寧至臨清臨清至通州俱每百料納鈔一百

金業主

貫其北京直抵南京南京直抵北京者每百料  
納鈔五百貫若止載柴草糧米及空船回還者  
不在納鈔之例○又令兩京及各處買賣之家  
門攤課鈔按月於都稅宣課司稅課司局交納  
酒醋課程於該縣交納給與由帖執照每月一  
次點視查考如違期不納及隱瞞不報者依律  
治罪仍罰鈔一千貫祿補鋪月納鈔三十貫車  
院店月納鈔二千貫○又令油房磨房每座逐  
月連納門攤鈔五百貫堆賣木植燒造甄瓦逐  
月連納門攤鈔四百貫牛車受雇裝載貨物者

納鈔五十貫小車十貫○又令浙江江西山東  
山西河南陝西等節司并直隸衛所軍職官及  
各處鎮守內外官家不開墾田土每畝歲納舊  
鈔三十貫菜地每畝桑樹每十株歲納舊鈔五  
十貫候鈔法通止○六年令各處地畝菜園鈔  
皆減半每畝止納鈔一百五十貫○八年令在  
京在外見收車船等項一應課鈔除舊額與先  
次減免者不動但係新增之數皆以三分為率  
減一分○九年奏准凡兩京各庫所收鈔不分  
軟爛破損油污水跡但有一貫二字可辨真偽

金業主

者俱不揀退其各司府州稅課司局等衙門及  
沿河監收船料鈔官亦如之若有挑描偽鈔無  
一貫二字及幾十文幾百文不成張府破碎之  
數年終本庫類奏燒毀在各布政司府州縣者  
奏報差官燒毀○令各處見收稅課及船車門  
攤地畝果木等項一應鈔除正額但為鈔法加  
增之數以十分為率減四分○又令各處諸色  
課程舊折收金銀皆照例折鈔○又令各處抄  
沒官房及沒官牛隻每年倒塌及倒死者所納  
房鈔及牛租即與除豁○正統三年令京城內

外萊地果園稅鈔○四年令塌房及車輛鈔皆減半徵收其自己房屋與人寄筐櫃者免納鈔

○六年令兩京果樹菜園小車免納鈔塌房每間月納鈔一百貫五百文驢贏車每輛四十一貫牛車每輛一十一貫○七年定在京都移宣課二司收鈔例每季段子鋪納鈔一百二十貫油磨糖機粉茶食木植剪裁繡作等鋪三十六貫餘量貨物取息及工藝受直多寡取之○十二年令驢贏車每輛納鈔二十貫牛車每輛納鈔八貫○十三年禁京城各處街市交易行使

卷五

七

銅錢阻壞鈔法其在外按察司并巡按御史一體禁約○景泰三年題准驢贏車每輛納鈔八貫牛車每輛納鈔四貫單牛車每輛納鈔二貫馱煤等項驢贏每頭各納鈔一貫○四年奏准錢鈔聽民相兼行使○五年令兩京戶部都察院委官各將地方自置塌房庫房店房菜園果株并大小鋪行但係發賣取利者通行取勘該收鈔貫不分輕爛徑送

內府天財庫交納堪中好鈔在收備用不懸之數照例年終會官燒燬○弘治二年令勢要之家

賣鈔事覺依律論罪鈔沒官司府州縣官受聽從者以枉法論

### 錢法

洪武初置寶源局於應天府鑄大中通寶錢與歷代錢兼行以四百為一貫四十為一兩四文為一錢設官專管江西等行省各置貨泉局頒大中通寶大小五等錢設官鑄造○令戶部及各行省鑄洪武通寶錢其制凡五等當十錢重一兩當五錢重五錢當三錢重二錢皆如其當之數小錢重一錢○六年禁民間私鑄銅錢凡私

卷五

八

鑄者許作廢銅送官每斤給官錢一百九十文諸稅課內如有私錢亦為更鑄○八年罷寶源局鑄錢○九年罷各布政司寶源局○十年令各布政司復設寶泉局鑄小錢與鈔兼行○二十二年令造小錢一十文至五十文以便民用每生銅一斤鑄小錢一百六十折二錢八十當三錢五十四當五錢三十二當十錢一十六○二十三年復定錢制每小錢一文用銅二分其餘四等錢依小錢制遞增凡鈔一貫准錢一千文○二十六年復罷各布政司寶泉局○永樂